

# Color 幕后之 失惊无神 踩过界

开年第一个返工月，一班可乐君竟然纷纷“踩过界”：有人做咗“吃播”，有人挂住同萌妹约会，“电灯胆”都做成专业户……新年一波，大家齐齐玩跳槽？究竟係乜回事？一起睇睇啦。

陈祉伶/文 Color团队/图



转行做吃播

写得稿、影得相都仲未够叻，为咗获得客观真实嘅饮食资讯，今时今日嘅可乐君仲要好食得！味蕾要灵敏，能精准分辨菜品甜酸苦辣的微妙之处；仪态要优雅，成片才能保持美观，吸引观众追睇。可乐君都体验咗一下吃播的苦与乐。



专业电灯胆

作为识饮识食嘅广东人，地下“狗粮”又无妨嘅。今期粤语课堂邀请到一对超sweet嘅真·情侣做嘉宾，带大家学下粤语中的情侣“暗号”。做“电灯胆”，我哋都係专业嘅！咁饱“狗粮”，高甜画面也已通通记录下。



社交小能手

为咗让大家认识到更多来自各行各业的达人，可乐君即刻变身社交小能手，广交新friend不在话下。可乐君今期就约到个元气萌妹，等住大家去认识，但仲会以资深Coser身份，带大家了解COSPLAY添。



一支公团队

Color团队一向係“合则天下无敌，分则各自为王。”人均通晓几项技能嘅可乐君，就算只得一个人，都可以用“分身”组个团出嚟嘅。左手打灯，右手撙机，搵啱构图，秒出大片！成个流程一气呵成，係咪抵加多两个鸡咁咧？



指挥办大事

可乐君玩得、食得、写得又影得，最新技能已经发展到搭棚做布置！穿短裙嘅可以俾意见、揸开相机嘅就俾搭棚操作啦，最后影低呢张大片嘅，就係平时嘅“技术宅”设计，仲有“大师”做导演指挥大家企位……Color版面每张图、每段文字，都有故事！

## NEWS

### 黄明昊Justin庆生



2月係黄明昊Justin嘅生日月，2月18日佢将嚟到广州举行“贾想世界”演唱会，提前与粉丝庆祝生日。呢场show会将佢最新专辑《VR》入面嘅音乐空间实景化，聚光灯下不止可以见到热血嘅Justin，仲有浪漫、忧郁各种唔同feel嘅小贾，沉浸式嘅体验带大家走进佢嘅“贾想世界”中，Justin与粉丝嘅独家记忆将在呢个舞台生成。（郭玮/文）

### 翠如正情晒恩爱



2月11日，黄翠如与萧正楠空降天汇广场igc，与一众粉丝嗨玩默契游戏，大送甜蜜福利，期间佢哋更卿卿我我狂晒恩爱。为咗令“萧黄CP”嘅sweet因子无限传播，igc特意策划情人节24小时浪漫计划，让情侣们可以在恋爱嘅日子，日出邂逅浪漫，日落回味甜蜜，创造专属佢哋嘅爱情回忆。（郭玮/文 陈祉伶/图）

# Action! 将开工仪式感拉满

策划：骆莘、曾敏妍  
统筹：曾敏妍  
执行：陈祉伶、郭玮、秦丽莹、黄蕾



愉快的春节假期过完，一眨眼已经开工咗一段时间！係时候将慵懒清空，整理好心情，做番个醒神打工人嘅。“开春即开工，起步即冲刺”，个个都在奋力向前跑，我哋开工亦要将仪式感拉满，从工位布置到眼耳鼻，连大腿都唔放过，由内到外焕然一新，惊艳所有人！

陈祉伶/文 Color团队、品牌官网/图

## 满FUN工位 花样出线

开工扮靓，唔单止要扮靓自己，专属工位都要拉到正一正！对于好多打工仔而言，平日要相处超过8小时嘅工位，就係自己灵感爆发嘅小天地，当然要花足心思将佢布置成自己喜欢嘅样子啦。有人追求实用主义，简约风收纳“神器”速速安排，桌面物件整齐有序，办公效率都翻倍；有人钟爱颜值，让心水公仔排排坐，办公环境温馨啱，心情也随之愉悦……各款满FUN工位齐battle，边位选手可以顺利出线？



## 硬镜妆容 焕新出彩

元气开工，焕新出发！农历新年后回归职场，想有蓬勃朝气同饱满的精神面貌，自然要认真搞搞“门面功夫”。借鉴热播剧《狂飙》“大嫂”嘅凌厉妆容，用上春季彩妆新品，花一啲小心机，就可以精神爽利以全新look示人。想要再出彩啲，可以加多支香水增添氛围感。都话“职场如战场”，一支优质嘅职场香水，犹如一件隐形战衣，能为你彰显个性、提升气场。

## 正斗好物 助你出圈

打工仔打工魂，快乐可以自己搵！快来整番啱缤纷多彩嘅正斗好物，为你的工作注入“小确幸”，生活自然有翻色彩！适合打工仔嘅通勤饰品，其实都唔系咁易搵，既要大方、百搭、有一定辨识度，同时又不能太浮夸或者喧宾夺主。Color为你精心搜罗各式圆润有活力的饰品，线条简约又有设计细节，轻轻松松就能完美展现出职场时髦的风采同气场，“C位”出圈easy job。

